



Universitätsbibliothek Paderborn

**Poemata Ferdinandi Episcopi Monasteriensis Et
Paderbornensis, S. R. I. Principis, Comitis Pyrmontani,
Liberi Baronis De Furstenberg**

Ferdinand <Paderborn, Bischof, II.>

Parisiis, 1684

Tumulus Marmoreus Guilielmi Josephi de Gendt Thalassiarchae Batavici, ...
Irrita Proditio Monasterii Vestphaliae

urn:nbn:de:hbz:466:1-7748

TUMULUS MARMOREUS
GUILIELMI JOSEPHI DE GENDT

THALASSIARCHÆ BATAVICI,

VII. *Id. Junii anno M. DC. LXXIII. prælio contra Britanni-
cam Gallicamque classes tormento prostrati, & in æde Cathedrali
Trajecti ad Rhenum eo in loco ubi tot seculis ara maxima Deo
dicata steterat, sepulti.*

O QUAM conveniens locus sepulchro est !
Quo Dux Gentius inclytus Batavæ
Classis Imperio situs quiescit !
Ara en maxima Numini dicata
Per tot secula, Gentii superbo
Deturbata locum dedit sepulchro :
Qui dum Gallicus & Britannus æquor
Mavors cædibus inficit Batavis,
Tormenti cecidit peremptus iætu
Pro caris patriæ focis & aris ;
Aras si colit hic Batavus ulla,
Omnes qui violat Batavus aras.
O quam conveniens locus sepulchro est !

IRRITA PRODITIO
MONASTERII VESTPHALIAE

Anno M. DC. LXXIII.

O REM ridiculam & nimis jocosam !
Mendax fama Coloniam pererrans
Fictis litterulis fuisse narrat
Armis impenetrabilem, nefanda

K iij

78 FERDINANDI EPISCOPI MONASTER.

Captam proditione Mimigardam,
Et quæsisse fuga sibi salutem
Nudum milite Principem, Ducesque
Francarum cecidisse copiarum
Uno tempore ab hostibus peremptos,
Per tot millia ab hostibus remotos.
Quare lætitia fremuntque plausu
Urbis compita. credulo triumphat
Falsus cum Duce miles & popellus.
Currunt Mercuriique, Pegasique,
Et lauro implicitas nova tabellas
Certatim rapido ferunt volatu
Ad Rheni proceres, & ad Mosellæ,
Ad Belgas, & ad ultimos Britannos,
Ad Cantabrica regna & ad Batavos
Tam fausto cito nuncio beandos.
Qui grates subitas Deo rependunt
Tanti, scilicet, auspici triumphi,
Et tot damna, tot urbium ruinas,
Atque incendia patriæ, tot undis
Mersos æquoreis agros feraces,
Et tot millia militi soluta
Incaßum, Ducibusque foederatis,
Solantur, (nimis heu ! brevis voluptas)
Unius prope gaudio diei.
O rem ridiculam & nimis jocosam !